

ევროპის სოციალური ისტორიის კონფერენცია 2025 (ნიდერლანდები, 26-29 მარტი)

სოფიო ქადაგიშვილი

თსუ, ივანე ჯავახიშვილის სახელობის
ისტორიისა და ეთნოლოგიის ინსტიტუტი
sopio.kadagishvili@tsu.ge

ევროპის სოციალური ისტორიის კონფერენცია უმნიშვნელოვანესი საერთაშორისო ფორუმია სოციალური და ჰუმანიტარულ მეცნიერებების დარგში. აღნიშნული პროფილის პირველი კონფერენცია 1996 წელს ჩატარდა და ამის შემდგომ რეგულარულად ყოველ ორ წელიწადში ერთხელ ეს საერთაშორისო ფორუმი თავს უყრის ასეულობით მკვლევარს მთელი მსოფლიოდან.

ტრადიციულად, კონფერენციას ევროპის სხადასხვა წამყვანი უნივერსიტეტი მასპინძლობს. 2025 წელს კონფერენციის ორგანიზატორებმა ლაიდენის უნივერსიტეტში (ნიდერლანდები) 52 ქვეყნიდან 1500 მომხსენებელი მიიწვიეს. კონფერენციაში მონაწილეობის მსურველთა რაოდენობა კი ბევრად მეტი იყო.

კონფერენციის სამუშაო ჯგუფი ღონისძიების დაწყებამდე დაახლოებით ერთ წლით ადრე იღებს მოხსენებებს, რის საფუძველზეც კომპლექტდება სექციები. ევროპის სოციალური ისტორიის კონფერენცია გამორჩეულია როგორც მოხსენებათა თემატური და მეთოდოლოგიური მრავალფეროვნებით, ისე მაღალი ხარისხის სამეცნიერო დისკუსიის კულტურით. თითოეული სესია სრულდება ხანგრძლივი და ინტენსიური დებატებით, რაც წარმოადგენს მნიშვნელოვან შესაძლებლობას როგორც მომხსენებლების, ასევე მსმენელების პროფესიული განვითარებისათვის. აკადემიურ სივრცეში აღნიშნული კონფერენ-





ცია გამოირჩევა, არამხოლოდ მასშტაბურობით და ორგანიზების მაღალი დონით, არამედ მოხსენებების პროფესიული სრულყოფილებით და ღონისძიების მიმართ მკვლევართა ცხოველი ინტერესით, რაც დიდ შესაძლებლობას აძლევს ისტორიკოსებს, ანთროპოლოგებს, სოციოლოგებსა და პოლიტიკური მეცნიერებების წარმომადგენელ მკვლევრებს, საერთაშორისო ტრიბუნა გამოიყენონ საკუთარი ნააზრევის პოპულარიზებისათვის.

ევროპის სოციალური ისტორიის კონფერენციის თემატიკა ინტერდისციპლინურია. კონფერენცია მიმართულია ახალი მეთოდოლოგიების წახალისებაზე და კვლევის იმ მიმართულებების გაძლიერებაზე, რომლებიც ეხმიანებიან თანამედროვეობაში არსებულ გლობალურ ტრანსფორმაციებს.

კონფერენციის ფორმატი აგებულია პანელურ სესიებზე, რომელიც მოიცავს შემდეგ თემებს: შრომის ისტორია და გლობალური კაპიტალიზმის განვითარება; გენდერული იდ-





ენტობები და ფემინისტური ისტორიოგრაფია; მიგრაცია, დიასპორა და კულტურული გადაადგილებები, კლიმატის ცვლილება და ისტორიული გარემო პირობების ანალიზი; განათლების ისტორია და პედაგოგიური პრაქტიკების ევოლუცია; ურბანული განვითარება და სოციალური სივრცეების ტრანსფორმაცია.

კონფერენციის მიზანია არამხოლოდ ისტორიის კვლევის შინაარსობრივი გაფართოება, არამედ კვლევის ეთიკური და სოციალური მნიშვნელობის წინ წამოწე-





ვა. შესაბამისად, 2025 წელს განსაკუთრებული ყურადღება დაეთმო ისტორიის როლს კრიზისების (პოლიტიკური, ეკოლოგიური, ეკონომიკური) გააზრებაში.

უკანასკნელ წლებში საქართველოს აკადემიური წრის წარმომადგენლები აქტიურად ერთვებიან ევროპის სოციალური ისტორიის კონფერენციაში. წელს კონფერენციაში მონაწილეობდნენ ისტორიის მეცნიერებათა დოქტორი თსუ პროფესორი და ისტორიისა და ეთნოლოგიის ინსტიტუტის მთავარი მეცნიერი თანამშრომელი მარიამ ჩხარტიშვილი (მოხსენება – *ერის ცნება და წარსულის რეპრეზენტაცია ქართულ საბჭოთა და პოსტსაბჭოთა ისტორიოგრაფიაში*) და ისტორიის დოქტორი მანუჩარ გუნცაძე (მოხსენება – *ხალხის დამოკიდებულება საბჭოთა მართველობაზე და ლიდერი, როგორც კერპი, საბჭოთა საქართველოს მაგალითზე*).



კონფერენციის დღეებში, პანელური მუშაობის პარალელურად მოენყო წიგნების გამოფენა/გაყიდვა, რაც იძლევა უახლესი კვლევების და შრომების გაცნობის შესაძლებლობას. სექციებს შორის მონაკვეთში კონფერენციის ორგანიზატორები მომხსენებლებს ყავა/ჩაით და ტკბილეულით მასპინძლობდნენ. აკადემიურ გარემოში შექმნილი მოსასვენებელი სივრცეები კი ხელშემწყობ გარემოს ქმნიდა იდეების გაცვლისათვის.

ევროპის სოციალური ისტორიის კონფერენცია არ არის მხოლოდ აკადემიური კონფერენცია; ეს არის სივრცე, სადაც ისტორია იხვეწება როგორც ცოცხალი დისკუსიის ფორმა.

EUROPEAN SOCIAL SCIENCE HISTORY CONFERENCE (ESSHC 2025, NETHERLANDS, MARCH 26 - 29)

Sopio Kadagishvili

TSU, Ivane Javakhishvili

Institute of History and Ethnology

sopio.kadagishvili@tsu.ge

The European Social Science History Conference is one of the most significant international forums in the field of social history and the humanities. Since 1996, it has brought together hundreds of scholars from around the world every two years. Hosted by leading European universities, ESSHC 2025 took place at Leiden University in the Netherlands and gathered over 1,500 speakers from 52 countries. The conference stands out for its thematic and methodological diversity, offering a space for in-depth scholarly discussion and interdisciplinary exchange. Sessions typically conclude with extended debates, providing a valuable platform for both presenters and participants to engage critically with each other's work.

ESSHC 2025 promotes new methodologies and research directions that respond to contemporary global transformations. The conference is organised around panel sessions covering a broad range of topics, including labor history, gender and feminist historiography, migration and diaspora, climate and environmental history, education, and urban development. In 2025, particular attention was given to the role of history in understanding modern crises—political, ecological, and economic. In this year there were participants from Georgia Professor Dr. Mariam Chkhartishvili and Dr. Manuchar Guntsadze. Alongside the academic program, the conference featured a book fair and informal networking spaces, reinforcing its role as a vibrant hub for scholarly dialogue and collaboration.